

## CONVENIO ENTRE A AXENCIA INSTITUTO ENERXÉTICO DE GALICIA - INEGA E O CLÚSTER DA BIOMASA DE GALICIA PARA A ELABORACIÓN DA ESTRATEXIA DA BIOMASA 2030 E A REALIZACIÓN DE ACTIVIDADES DE DINAMIZACIÓN SECTORIAL

### REUNIDOS

En Santiago de Compostela, na data da sinatura dixital

Dunha parte, Pablo Fernández Vila, en nome e representación do Instituto Enerxético de Galicia, en adiante INEGA, con domicilio na rúa Avelino Pousa Antelo, nº 5, 15703- Santiago de Compostela, e na súa calidade de director deste, cargo para o que foi nomeado polo Decreto 95/2022, do 9 de xuño, facendo uso das facultades do seu cargo e das que lle foron conferidas en virtude das atribucións que lle confire a Resolución do 10 de marzo de 2017 pola que se delegan competencias atribuídas á persoa titular da Presidencia da axencia Inega (DOG núm. 60, do 27 de marzo).

Doutra parte, Francisco Javier Álvarez Pereiro, con DNI 76899368 H, en calidade de presidente da Asociación Clúster da Biomasa de Galicia, inscrita no Rexstro de Asociacións da Xunta de Galicia con nº 2021/024593-1, con domicilio social en Parque Tecnolóxico de Galicia Tecnópole, Avenida de Galicia nº5, código postal 32901 San Cibrao das Viñas, Ourense, NIF G42965343, debidamente autorizado por nomeamento de 24 de febreiro de 2021.

En virtude das competencias que lles corresponden, recoñécense reciprocamente capacidade e lexitimación suficiente para formalizar o presente convenio e,

### EXPOÑEN

**Primeiro.-** Que o Inega é unha entidade instrumental do sector público autonómico con personalidade xurídica e patrimonio de seu para o cumprimento dos seus fins que se constitúe en Axencia por Decreto 142/2016, do 22 de setembro, mantendo a súa adscrición a Consellería competente en materia de enerxía, conforme ao establecido na Lei 3/1999, do 11 de marzo e entre os seus fins están "o fomento, impulso e realización de iniciativas e programas de actuación para a investigación, o estudo e o apoio das actuacións de coñecemento, desenvolvemento e aplicación das tecnoloxías enerxéticas, incluídas as renovables, a mellora do aforro e a



eficiencia enerxética, o fomento do uso racional das enerxías e, en xeral, a óptima xestión dos recursos enerxéticos dos distintos sectores económicos de Galicia, así como a participación na xestión e prestación, se é o caso, de servizos noutros campos sinérxicos ao enerxético, de acordo coas directrices do goberno no ámbito das súas competencias".

Que para o exercicio axeitado das súas funcións, o Inega pode establecer convenios e contratos con institucións públicas ou privadas, así como colaborar con outras Administracións para favorecer a adopción de medidas de aforro, de racionalización na produción, distribución e subministración de enerxía (art. 5 da Lei 3/1999).

**Segundo.-** Que ou Clúster da Biomasa de Galicia constitúese ao amparo da Lei orgánica 1/2002 do 22 de marzo reguladora do Dereito de Asociación, sendo os seus fins dar resposta aos retos do sector e impulsar o uso das enerxías renovables, ademais de identificar as necesidades que contribúan á diversificación do sector enerxético en Galicia, a través de proxectos de cooperación público-privados.

**Terceiro.-** Que as partes consideran de mutuo interese para o cumprimento das súas respectivas funcións establecer fórmulas de colaboración para lograr un desenvolvemento sostible e de mitigación do cambio climático a través da transformación dos actuais modelos enerxéticos para consolidar unha economía baixa en carbono. O uso da biomasa constitúe un elemento esencial na loita contra o cambio climático e no logro dun desenvolvemento sostible a escala local.

A necesidades de avaliar e aproveitar o potencial da Biomasa en Galicia como fonte de enerxía renovable.

A oportunidade de promover desde o ámbito local a xeración e autoconsumo de enerxía para acadar impactos positivos sobre a sociedade permitindo a diversificación da actividade produtiva, e o aforro na factura enerxética dos consumidores sexan particulares ou empresariais.

Que ambas entidades dada a confluencia de intereses comúns, están interesadas en levar a cabo unha colaboración a longo prazo para impulsar o desenvolvemento do sector da Biomasa de Galicia a través dun marco de traballo participativo que contemple un conxunto de actuacións que favorezan a mellora competitiva do sector e impacten de maneira directa na mellora das condicións de vida dos galegos.

En virtude do exposto, e recoñecéndose ambas partes na representación que ostentan capacidade suficiente, acordan asinar un convenio de colaboración de acordo coas seguintes





## CLÁUSULAS

### Primeira.- Obxecto

O presente convenio ten por obxecto materializar a colaboración entre as partes para o deseño e posta en marcha dunha serie de accións que permitan desenvolver e consolidar ao sector e impacten de maneira significativa na mellora da calidade de vida dos habitantes de Galicia, así como na competitividade das empresas galegas facilitando a súa necesaria transformación dixital e ecolóxica, mediante o fomento do uso da biomasa local, potenciando a autosuficiencia Enerxética.

Todas elas serán recollidas no documento da nova Estratexia Galega de BIOMASA 2030 cunha clara orientación participativa na que se implique desde o momento do seu deseño os axentes públicos e privados que serán os encargados de implantala.

Ademais, de forma complementaria, propónse a creación dunha "Oficina da Biomasa de Galicia" co fin de impulsar a transición cara a unha industria e unha economía descarbonizadas, á vez que asesora a particulares e empresas en termos de solucións enerxéticas que se adapten ás súas necesidades e se informa sobre diferentes axudas na materia.

Esta colaboración entre o Clúster e INEGA permitirá, principalmente, cumprir os seguintes obxectivos específicos:

- Garantir o deseño dunha nova Estratexia da Biomasa en Galicia que estea aliñada coas estratexias de planificación sectorial da Consellería de Economía, Industria e Innovación da Xunta de Galicia e do propio Goberno no seu conxunto.
- Desenvolver a partir da estratexia unha proposta de actuacións específicas que, partindo dun diagnóstico da situación en Galicia, nacional e internacional, permita garantir a consecución dos retos e obxectivos, identificando fontes de financiamento, autonómico, estatal ou europeo que visibilicen as propostas estratéxicas-
- Impulso de accións participativas que integren aos principais axentes de relevancia no eido da Biomasa en Galicia e estableza unha canle aberta de comunicación entre as partes co fin de compartir información de relevancia para o deseño de proxectos.
- Apoiar con información relevante as iniciativas privadas que desexen impulsar proxectos vencelladas a valorización da BIOMASA como fonte de enerxía renovable e autóctona con impacto no medio.
- Potenciar o ecosistema da bioenerxía para que se estenda polo territorio galego co obxectivo da independencia enerxética e da eliminación de combustibles fósiles.
- Mellorar o grao de autonomía enerxética da poboación e empresas galegas.





- Explorar vías de financiamento para o impulso de proxectos estratéxicos de interese común para ambas partes especialmente no eido da implantación de tecnoloxías bioenerxéticas.
- Dar información e servicios de asesoramento á industria e a empresas para unha xestión enerxética eficiente.
- Sensibilizar á poboación en materia bioenerxética.
- Dotar de información relevante a particulares, empresas e organizacións sobre bioenerxía.

### Segunda.- Compromisos do Inega

1. Asumir o liderado e coordinación da posta en marcha das diferentes accións propostas, asegurando que a Estratexia sexa un instrumento de planificación e dinamización do sector da Biomasa en Galicia de xeito colaborativo entre todas as entidades implicadas.
2. Financiar o 90 % das actividades obxecto deste convenio establecidas na cláusula primeira.
3. Calquera outra función que resulte de mutua conveniencia por razón do obxecto do convenio.

### Terceira.- Compromisos do Clúster

Dende o Clúster da Biomasa de Galicia colaborarase a través das seguintes actividades:

- a. **Elaboración da Estratexia** mediante unha serie de tarefas que aseguren acadar unha estratexia participativa que implique a todos os axentes da cadea de valor:
  - a. Redacción dun documento de diagnose inicial e formulación da nova Visión Sectorial
  - b. A definición do ámbito temático dos grupos de traballo e posibles integrantes.
  - c. A convocatoria de asistentes, e a dinamización in situ dos grupos de traballo e redacción de conclusións
  - d. A redacción de propostas de mellora que poidan ser integradas no documento da Estratexia.
  - e. Identificación e incorporación de expertos temáticos para determinados ámbitos especializados que requira a Estratexia:
    - Universidades de Galicia e doutras realidades xeográficas.
    - Centros Tecnolóxicos de Galicia e doutras realidades xeográficas.
  - f. Redacción do documento da Estratexia e dun resumo executivo.





- b. **Apoio no funcionamento operativo da nova Oficina de Biomasa de Galicia:** Esta Oficina ten como obxectivo principal impulsar a descarbonización da industria e a economía en xeral a través de solucións enerxéticas baseadas na biomasa, así como asesorar ás empresas e particulares en materia bioenerxética e informar sobre as diferentes axudas dispoñibles na materia. Algunhas das actuacións que levará a cabo serán as seguintes:
- Acompañamento e asesoramento a particulares, empresas e organizacións públicas e privadas.
  - Publicación de información de axudas de fomento de uso da biomasa e novas instalacións.
  - Canle de resolución de dúbidas de particulares e empresas
- c. **Dende o Clúster se colaborará na actualización continuada dos contidos do Observatorio Galego da Biomasa:** Actualmente o INEGA conta cun Observatorio galego da Biomasa en formato web (<http://www.observatoriobiomasa.gal/es/>) que require dunha actualización de contidos en diferentes materias. Así, o Clúster da Biomasa encargárase da actualización de ditos contidos, tendo sinerxias coa información disposta na web da Oficina da Biomasa de Galicia, co fin de aproveitar o traballo xa realizado ata o momento e dar impulso ao sector.

Como actividade transversal, dende o Clúster da Biomasa darase apoio na organización de actividades de difusión e comunicación que organice INEGA relacionadas cos documentos expostos e co sector.

#### **Cuarta.- Contía da achega**

O orzamento para a execución das actuacións previstas no presente convenio é de 44.250 €.

A contribución do INEGA ascenderá o 90% do importe conveniado, trinta e nove mil oitocentos vinte e cinco euros (39.825,00 €) con cargo á partida orzamentaria 05.A3.733A.641.1 do seu orzamento de gastos para o ano 2023.

#### **Quinta.- Xustificación e pagamento**

Os traballos obxecto do presente convenio estarán executados e entregados ó Inega antes do día 15 de decembro de 2023.

O pagamento faranse efectivo contra certificacións da intervención ou órgano que teña atribuídas as facultades de control da toma de razón en contabilidade e do cumprimento da finalidade para a que foi suscrito o presente convenio acompañada das facturas e demais documentos de valor probatorio equivalentes con validez no tráfico xurídico mercantil ou con



eficacia administrativa, que serán presentados de forma acompañada coa execución.

A data límite para a xustificación do último pagamento será o 15/12/2023.

O Clúster achegará ademais a seguinte documentación:

Unha certificación expedida pola entidade bancaria da titularidade da conta bancaria do Clúster onde debe realizarse o pagamento, na que conste: IBAN, ordinal bancario, código do banco, código de sucursal e código de conta corrente.

Certificacións expedidas polas respectivas Administracións Públicas, que acrediten que se está ao corrente das obrigas tributarias e da Seguridade Social, así como a acreditación de non ter pendente de pagamento ningunha outra débeda, por ningún concepto, coa Administración Pública da Comunidade Autónoma.

O Inega reservará para si o dereito de solicitar toda a documentación que se considere precisa con relación á xustificación dos respectivos gastos.

#### **Sexta.- Propiedade Intelectual**

A propiedade intelectual e material dos traballos que resulten deste convenio será conxunta do Inega e do Clúster. A información que se obteña, os resultados das investigacións e o seu alcance poderán ser difundidos con autorización expresa do Clúster e do Inega deixando constancia nas publicacións da participación de cada unha delas. En toda a documentación ou documento relacionado co presente convenio producido en forma unilateral, farase constar a colaboración prestada polo outro membro sen que isto signifique responsabilidade algunha, respecto do contido da publicación ou documento.

#### **Sétima.- Relacións laborais**

A subscrición do presente convenio non implica relación laboral contractual ou de calquera tipo, entre os profesionais que desenvolveron as actividades e a Xunta de Galicia, de tal modo que non se lle poderá esixir ningunha responsabilidade, directa, nin indirecta, nin subsidiaria, polos actos ou feitos ocorridos durante a execución das actuacións e/ou a vixencia do presente convenio de colaboración.

#### **Oitava.- Vixencia**

O presente convenio entrará en vigor o día seguinte ao da súa sinatura, a súa vixencia rematará o 31 de decembro de 2023, con retroacción dos seus





efectos, a fin de amparar as actuacións realizadas desde o 1 de marzo de 2023.

### **Novena.- Comisión de seguimento**

Para facilitar a execución e desenvolvemento así como o seguimento e cumprimento do presente convenio, constituirase unha comisión mixta de seguimento integrada por catro membros, designando cada parte dous deles. Dita comisión constituirase no prazo de trinta (30) días contados desde a sinatura deste convenio marco constituída por dous membros por cada unha das partes segundo os seguintes criterios:

- Por parte de INEGA, o Director do Departamento de Enerxía ou persoas en quen delegue.
- Por parte do Clúster da Biomasa de Galicia, o Presidente ou persoas en quen delegue.

A comisión ditará as súas propias normas internas de funcionamento, debendo reunirse sempre que sexa necesario para o bo fin da colaboración.

Entre outras, á comisión lle corresponderán as seguintes funcións:

- a) Propoñer actuacións concretas de colaboración
- b) Preparar as addendas ou anexos de execución do presente convenio.
- c) Realizar o seguimento das actuacións específicas que se leven a cabo, así como aclarar e decidir cantas dúbidas poidan xurdir na súa interpretación e execución.

### **Décima.- Protección de datos**

As partes están obrigadas a cumprir coas normas sobre a protección de datos de carácter persoal, en concreto, co disposto na Lei Orgánica 3/2018, de 5 de decembro, de Protección de datos persoais e garantía dos dereitos dixitais, e Regulamento (UE) 2016/679 do Parlamento Europeo e do Consello de 27 de abril de 2016 relativo á protección das persoas físicas no que respecta ao tratamento de datos persoais e á libre circulación destes datos, e polo que se derroga a Directiva 95/45/CE.

Os asinantes manifiestan o seu consentimento ou autorización para que os seus datos persoais que constan no presente convenio e mailo resto das especificacións contidas no mesmo, podan ser publicados no Portal de Transparencia e Goberno Aberto.

### **Décimo primeira.- Publicidade**



En canto á publicidade, procederáse de conformidade co mandato da Lei 1/2016, do 18 de xaneiro, de transparencia e bo goberno, no Decreto 126/2006, do 20 de xullo, polo que se regula o Rexistro de Convenios da Xunta de Galicia e no Decreto 132/2006 do 27 de xullo, de creación dos rexistros de axudas, subvencións e convenios, e de sancións da Xunta de Galicia.

En virtude do disposto no parágrafo anterior o Clúster da Biomasa de Galicia consinte expresamente a inclusión e publicidade no devandito rexistro dos datos relevantes referidos ao convenio.

### **Décimo segunda.- Causas de resolución**

O presente convenio poderá ser resolto polas causas seguintes:

- a. O transcurso do prazo de vixencia establecido sen que se leve a cabo o obxecto do mesmo.
- b. O mutuo acordo entre as partes.
- c. A imposibilidade sobrevida para o cumprimento dos termos do presente acordo.
- d. A denuncia de calquera das partes formulada por escrito con quince días de antelación.
- e. O incumprimento total ou parcial dalgunha das súas cláusulas.

### **Décimo terceira.- Natureza e Réxime Xurídico**

O presente convenio ten natureza administrativa, quedando fóra do ámbito de aplicación da Lei 9/2017, do 8 de novembro, de contratos do sector público; sen prexuízo da aplicación dos principios e criterios da devandita Lei para resolver as dúbidas ou lagoas que puidesen presentar.

Este convenio o ter carácter administrativo todas as diferenzas que poidan xurdir entre o Inega e o Clúster, en relación coas cuestións controvertidas non resoltas no seno da comisión de seguimento, someteranse ao coñecemento da xurisdición contencioso-administrativa.

O presente convenio rexeráse polas súas cláusulas e polo Acordo do Consello da Xunta do 27 de marzo de 1991, publicado por Resolución da Consellería de Economía e Facenda do 8 de Abril de 1991, sobre convenios de colaboración con outros entes públicos e con particulares, así como polas disposicións que en materia de convenios se recollen na Lei 1/2016, do 18 de xaneiro, de transparencia e bo goberno e na Lei 40/2015, do 1 de outubro, de réxime xurídico do sector público.



E en proba de conformidade, asíñase o presente convenio, no lugar indicado ao comezo.

**Polo Inega**

**Pola Asociación Clúster Biomasa de  
Galicia,**

**Pablo Fernández Vila  
Por Resolución do 10/03/2017  
de delegación de competencias  
da Presidencia da Axencia  
(DOG 27/03/2017)**

**Francisco Javier Álvarez Pereiro**





## ANEXO I: DESGLOSE ORZAMENTARIO E IMPORTE ECONÓMICO CONVENIO

| ACTIVIDADES  | Anualidade<br>2023 | Aportación<br>INEGA | Aportación<br>Clúster |
|--|--------------------|---------------------|-----------------------|
| <b>A) Elaboración da Estratexia</b>  |                    |                     |                       |
| Redacción dun documento de diagnose inicial e formulación da nova Visión Sectorial |                    |                     |                       |
| Deseño dos grupos e identificación participantes                                   |                    |                     |                       |
| Convocatorias e organización das reunións dos grupos                               | 30.000,00 €        |                     |                       |
| Redacción de documentos de traballo  |                    |                     |                       |
| Identificación e incorporación de expertos temáticos                               |                    |                     |                       |
| Redacción do documento da Estratexia e dun resumo executivo                        |                    |                     |                       |
| <b>B) Oficina da Biomasa de Galicia</b>  | 8.000,00 €         |                     |                       |
|  |                    |                     |                       |
| <b>C) Actualización contenidos Observatorio Galego da Biomasa</b>                  | 6.250,00 €         |                     |                       |
| <b>TOTAL IMPORTE DO CONVENIO</b>   | <b>44.250,00 €</b> | <b>39.825 ,00 €</b> | <b>4.425,00 €</b>     |

